



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : S.K.H. TSANG SHIU TIM SECONDARY SCHOOL

学校名称 : 圣公会曾肇添中学

Name of Play 剧名 : 灵售店

Script writer 剧作者 : 集体创作

Synopsis 故事大纲:

假若你可以与别人交换人生，你想跟谁交换？

这是一个售买灵魂的店铺，迷途的人造访这里，他们有着不一样的命运，有人名利双收，

有人出类拔萃，亦有人浪迹天涯；但，他们都不约而同地渴望着一个改变人生的机会。

在灵售店的规则下，他们能否借着机会，活出真正的自己呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场 少年的烦恼

（烦恼的少年对着电脑打字）

少年：「我对呢个世界冇晒希望，我唔知道我将来仲可以点，我想离开呢个人生，冇人可以帮到我」

（少年叹气，等留言，很多加油，撑你等）

少年：我已经加咗好多油啦，全香港冇油加啦！呢几年我日日都撑，我仲要撑几耐呀，我撑唔住啊。

少年：灵售店老板，「（老板读）年轻人你太年轻啦，咁轻易就想死，我有个唔使死慨方法，又可以脱离你呢个人生，你揸呢条 link 就可以即刻感受下！」

少年：你系咪网上骗案？我唔玩 Tinder 㗎㗎！条 Link 系咪有毒㗎？

老板：不要问！只要信！机会系留比有信念慨人！...你原本都想死㗎喇，使乜惊咩病毒啊！

少年：....你又㗎，横死惦死，我有野好惊！

老板：咁你一于揸入嚟安心咁玩啦！

（少年按下 link）

（钢琴声）

老板：欢迎欢迎，埋黎睇吓，等我介绍，大把着数，搵你心水，唔拣我呀，求下你呀，睇真啲先！

老板：如果你可以同其他人交换人生，你想成为边个？（停，等音乐，众人做职业动作）呢度，系一间售买灵魂慨铺头，每个人慨人生好似一本书（老板拿出书）佢地有唔同慨命运，有啲人又出名又有钱，有人出类拔萃，亦有人浪迹天涯。每本书都系独一无二慨，而入面慨主角都唔想继续扮演呢个角色，所以呢啲书会出现系呢度。小小温馨提示，每个嚟到灵售店慨人都只有一次机会去交换自己慨人生。记住拣清楚先好交换。

少年：呢个系咪 VR，我系咪进入咗 metaverse 嘅世界？信唔过慨！都系唔玩啦。
Sorry 啊，你搵过第二个啦，走先啦，系咁先啦，下次再玩喇！（撞墙 x2）喂，点解出唔到去慨？点离开呢度？

老板：你入得嚟，就唔会咁轻易俾你走。安心㗎！你话你唔满意慨人生呀嘛，你望吓，我呢度大把人生你拣。

少年：唔系㗎，比我出返去啦！

老板：你出到去就要继续你原本慨人生㗎喇，唔通你好满意咩？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

少年：（激动）点会啊，我一出返去就想死！

老板：咪系啰，你留喺呢度，唔使死，仲有选择嘅权利。

少年：即系我有得拣？系咪真㗎？我就系出面咩都有得拣，冇晒所有权利，老板你真系畀我有选择嘅权利呀？

老板：梗系有得你拣，你开啲条件出嚟，你想点？我俾啲 choice 你！做人最紧要有 choice。

少年：我想做靚仔呀，我阿妈生得我咁样衰！如果变咗靚仔系咪所有问题都解决到？

老板：肤浅！不过呢啲我大把货！我就搵一个又靚仔又大只嘅！一定啱你心水！隆重介绍，云也可以变大力！大力云！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二场 大力云（云也可以变大力）

大力云： Hello everybody! 我由细到大，一直都玩开 hip hop, rap, jazz. 我创作慨每首情歌都感动人心。其实老实讲句成个国家有边个唔识我啊。即系唔到我自己唔觉得自己好成功。我人气又有，唱功又有，仲有一个幸福家庭。宜家慨生活我好开心，唱下歌生活无忧无虑几好啊。有子女又有女人缘。我好锡我啲子女 同老婆，我今生就系佢哋慨。之前慨访问我都讲过，我唔系一个花心慨人，我觉得花心的人都几蠢慨添。咁我想借呢个机会，送呢首歌俾我唯一慨老婆。

大力云： BABY 你就是我的唯一 两个世界都变心回去谈何容易 确定你就是我的唯一独自对着电话说我爱你 我真的爱你 BABY 我已不能多爱你一些

雷神： （——千字文）

网民： 负评 emoji 及评论

（大力云害怕/ 伤心 / 焦虑 / 情绪复杂地唱完）

（大力云重新唱）

（大力云在极度恐慌下想到办法）

大力云： 雨田衣申子！你有千字文！我有一千蚊！

（大力云洒钱）

网民： 正评 emoji 及评论

（力云开心胜利地唱）

雷神： （买 like post）

（大力云除眼镜）

网民： 极度负评 emoji 及评论

（support 佢哋啲人系请返嚟㗎，我上网睇过，一粒钟¥ 500...）

（大力云生气地唱）

（大力云掙咪，企起身，除衫，羞耻地走）

老板： 系咪正呀！靚仔慨慨人生几咁精彩，峰回路转，好睇过 TBB 啦！

少年： 渣男㗎，咁我宁愿样衰啦！有冇啲样靚又冇人格㗎？好似我偶像 KOALA 咁。

老板： KOALA? 识野！系我地慨珍藏！隆重介绍，《KOALA IS EVERYONE'S LOVE》！热烈欢迎我地慨国民初恋，KOALA。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三场 KOALA (KOALA IS EVERYONE'S LOVE)

(Fans 尖叫)

(KOALA 跳舞)

(KOALA 跳完舞，坐回镜头前)

All 粉丝：哇！系 KOALA LIVE CHAT 啊！

粉丝 Yoyo：Oh my god！KOALA 你真系好靚女呀，皮肤又白，脚又长！你负责嗰个汉堡包慨广告呢，我睇完之后，即刻去食咗十几廿个啊！

粉丝 Sera：KOALA，我真系好钟意你㗎！我成个星期冇瞓觉，只系想送呢到一千只纸鹤俾你。我慨心愿，就系想继续睇你跳舞。

(KOALA 听到敲门声，不断回头)

粉丝 Vienna：我好钟意你㗎！你每场演唱会我都有睇㗎，你所有专辑，周边，海报我都有买㗎。少年：你新出个首歌真系好好听呀，你真系我慨偶像呀！

KOALA：等阵先，有人敲门。

(KOALA 开门，疯狂粉丝冲入门)

粉丝 Kayden：(大叫) KOALA！我系你疯狂 Fans！！我为咗呢份礼物，食咗成个月杯面，但系可以亲自送份礼物上门比你！一切都值得嘅！

(疯狂粉丝冲到镜头前)

疯狂粉丝：Yeah！我成功上到 KOALA 屋企！我先系疯狂粉丝世一！！！！

KOALA：唔好意思呀，今次直播就去到呢度啦，Byebye!

(KOALA 关机，再马上再开，记者会)

谭记者：KOALA，点解前几日见到你系某大姓男星慨住所走出嚟嘅？你哋之前喺入边做咗啲咩啊？

(KOALA 每一条问题，加一样东西上身，黑超，口罩，Scarf, hat, 想保着私隐)

王记者：系㗎，佢最近被老婆爆料婚内出轨，性成瘾，扮系爱老婆慨好男人又喺出边搵女人，究竟你哋有咩关系啊？其实你系咪佢慨小三啊？

温记者：网上流传嗰张你又肥又哨牙慨相，系系真㗎？你系咪整过容呀？

蔡记者：你同 Kangaroo 系唔系有矛盾？佢系 FG 度开 post 闹你㗎，佢话你双面人㗎，你会唔会反击啊。你地之前唔系好 friend 架咩，扮架咋？唔出声即系认㗎。